

Na osnovu člana 68. stav (6) Zakona o visokom obrazovanju („Službene novine Tuzlanskog kantona“ broj: 7/16 i 10/16) i člana 133. stav (1) Statuta JU Univerzitet u Tuzli te Odluka o poništenju Konkursa za izbor i imenovanje dekana Umjetničko – nastavnog vijeća Akademije dramskih umjetnosti broj: 02/1-1311-2.1.1/17 od 02.03.2017. godine, te Naučno – nastavnih vijeća: Filozofskog fakulteta broj: 02/5-1183.1.7/17 od 27.02.2017. godine, Mašinskog fakulteta broj: 02/6-1531-2/17 od 10.03.2017. godine i Pravnog fakulteta broj: 02/14-1485-2/17 od 10.03.2017. godine **objavljuje se**

P O N I Š T E N J E
Konkursa za izbor i imenovanje dekana
fakulteta/Akademije Univerziteta u Tuzli

objavljenog u dnevnom listu „Oslobođenje“ od 04.02.2017. godine, **u dijelu** koji se odnosi na:

- Akademiju dramskih umjetnosti,
- Filozofski fakultet,
- Mašinski fakultet i
- Pravni fakultet.

Na osnovu člana 68. stav (6) Zakona o visokom obrazovanju („Službene novine Tuzlanskog kantona“ broj: 7/16 i 10/16) i člana 133. stav (1) Statuta JU Univerzitet u Tuzli te Odluka o raspisivanju novog Konkursa Umjetničko – nastavnog vijeća Akademije dramskih umjetnosti broj: 02/1-1311-2.1/17 od 02.03.2017. godine, te Naučno – nastavnih vijeća: Filozofskog fakulteta broj: 02/5-1183.1.8/17 od 27.02.2017. godine, Mašinskog fakulteta broj: 02/6-1531-3/17 od 10.03.2017. godine i Pravnog fakulteta broj: 02/14-1485-3/17 od 10.03.2017. godine istovremeno se

raspisuje
K O N K U R S
za izbor i imenovanje dekana Fakulteta/Akademije
Univerziteta u Tuzli

I

Raspisuje se Konkurs za izbor i imenovanje dekana:

1. Akademije dramskih umjetnosti,
2. Filozofskog fakulteta,
3. Mašinskog fakulteta i
4. Pravnog fakulteta.

II

Za dekana Fakulteta/Akademije može biti izabran kandidat koji ispunjava sljedeće **opće i posebne uslove** uslove.

Opći uslovi:

- a) da je državljanin BiH,
- b) da je zdravstveno sposoban za obavljanje poslova dekana,
- c) da pravosnažnom odlukom suda nije osuđivan za krivično djelo ili privredni prijestup, što predstavlja smetnju za imenovanje na dužnost dekana,
- d) da mu pravosnažnom odlukom suda nije izrečena mjera zabrane obavljanje poslova/dužnosti dekana,
- e) da se na njega ne odnosi član IX. 1., Ustava BiH.

Posebni uslovi:

- a) da je izabran u zvanje redovnog ili vanrednog profesora na Univerzitetu u Tuzli,
- b) da je u radnom odnosu u punom radnom vremenu na Univerzitetu u Tuzli,
- c) da aktivno govori najmanje jedan svjetski jezik,
- d) da nema funkciju u izvršnim organima političke partije ili organizacije koja je povezana sa političkom partijom i
- e) da nema privatni finansijski interes na Univerzitetu u Tuzli.

Dekan Fakulteta/Akademije imenuje se na mandatni period od 4 (četiri) godine.

Kandidat koji u toku mandata stiče uslove za penziju ne može biti izabran za dekana Fakulteta/Akademije.

III

Uz **prijavu** na Konkurs kandidat je dužan priložiti, u **originalu ili ovjerenoj fotokopiji**, dokaze o ispunjavanju općih i posebnih uslova i to:

1. biografiju,
2. uvjerenje o državljanstvu BiH izdato nakon 17.06.2013. godine,
3. izjavu da pravosnažnom odlukom suda nije osuđivan za krivično djelo ili privredni prijestup što predstavlja smetnju za imenovanje na dužnost dekana,
4. izjavu da mu pravosnažnom odlukom suda nije izrečena mjera zabrane obavljanja poslova/dužnosti dekana,
5. izjavu da se na njega ne odnosi član IX. 1., Ustava BiH
6. odluku o izboru zvanje redovnog ili vanrednog profesora na Univerzitetu u Tuzli,
7. uvjerenje da je u radnom odnosu u punom radnom vremenu na Univerzitetu u Tuzli,
8. dokaz da aktivno govori najmanje jedan svjetski jezik (certifikat verifikovane škole stranih jezika/uvjerenje o položenom stranom jeziku na visokoškolskoj ustanovi),
9. izjavu da nema funkciju u izvršnim organima političke partije ili organizacije povezane sa političkom partijom,
10. izjavu da nema privatni finansijski interes na Univerzitetu u Tuzli.

Izjave iz tačke III podtačke 3, 4, 5, 9 i 10 moraju biti ovjerene kod nadležnog općinskog organa ili notara, a ostali dokazi iz tačke III moraju biti u originalu ili u fotokopiji ovjerenoj kod nadležnog općinskog organa ili notara.

Dokaz o ispunjavanju uslova iz tačke II podtačka b) općih uslova (ljekarsko uvjerenje o zdravstvenoj sposobnosti za obavljanje funkcije dekana), ne starije od 6 (šest) mjeseci, dužan je dostaviti naknadno samo kandidat koji bude izabran i imenovan na navedenu funkciju, a prije zaključivanja aneksa ugovora o radu.

IV

Kandidat za dekana Fakulteta/Akademije dužan je, uz prijavu na Konkurs dostaviti i **Program rada i razvoja Fakulteta/Akademije za mandatni period**, u pisanoj i elektronskoj verziji (CD).

V

Prijava, sa svim potrebnim dokazima, dostavlja se u roku od 15 (petnaest) dana od dana objavljivanja Konkursa u dnevnom listu „Oslobođenje“.

VI

Neblagovremene i nepotpune prijave neće se uzeti u razmatranje.

VII

Informacije o djelokrugu rada dekana fakulteta/Akademije dostupne su na WEB stranici Univerziteta u Tuzli www.untz.ba (akti/dokumenti - Statut; Pravilnik o unutrašnjoj organizaciji i sistematizaciji).

VIII

Prijava na Konkurs s potrebnim dokazima, dostavlja se u zatvorenoj koverti na pisarnicu Univerziteta u Tuzli ili putem pošte, na adresu:

UNIVERZITET U TUZLI

- **Konkursna komisija - uz naznaku "Prijava na Konkurs za izbor i imenovanje dekana (sa naznakom fakulteta/Akademije Univerziteta u Tuzli)",**
- **Ul. Dr. Tihomila Markovića broj 1., 75000 Tuzla.**